



PUTRAJAYA BERSELAWAT SEMPENA KARNIVAL PUTRAJAYA 2022

PUTRAJAYA, 23 September 2022 – Ribuan jemaah menyertai program Putrajaya Berselawat bertempat di Dataran Putrajaya, Presint 3, Kompleks Perbadanan Putrajaya.

Turut hadir Presiden Perbadanan Putrajaya (PPj), YBhg. Dato' TPr. Fadlun Bin Mak Ujud dan Timbalan Ketua Setiausaha (Perancangan dan Pembangunan) YBhg. Datuk Ruzain bin Idris.

Penganjuran Program Putrajaya Berselawat bertujuan untuk memupuk semangat berjemaah dalam kalangan Komuniti Putrajaya melalui amalan berselawat. Program ini merupakan acara pertama dan diadakan bersempena dengan Karnival Putrajaya 2022 yang diadakan pada 23 hingga 25 September 2022 dari jam 8 pagi hingga 10 malam di Dataran Putrajaya serta perkarangan Kompleks Perbadanan Putrajaya.

Program dimulai dengan Solat Isyak Berjemaah di Dataran Putrajaya, Presint 3 dan diimamkan oleh Ketua Imam Surau Al-Furqan Presint 11, Syed Ahmad Syakuur Dihya Bin Syed Ahmad Johar. Kemudian acara diteruskan dengan bacaan ayat suci Al Quran, berselawat bersama barisan kepimpinan Kementerian Wilayah Persekutuan, PPj, Majlis Perwakilan Penduduk Wilayah Persekutuan (MPPWP), pelajar-pelajar sekolah Putrajaya serta selebriti jemputan antaranya Fakhrul UNIC, Kumpulan InTeam, Afad Raihan dan tausiah bersama Al-Fadhil Ustaz Don Daniyal bin Don Biyajid & Al-Fadhil Ustaz Imam Muda Asyraf.

Karnival Putrajaya 2022 merupakan acara tahunan anjuran PPj bertujuan untuk mengukuhkan persepakatan PPj dengan warga komuniti dan pemegang taruh di Putrajaya. Ia merupakan medium terbaik untuk menambahkan elemen keceriaan serta kemeriahan di kalangan warga Putrajaya.


TPr. NORZITA BINTI ABDUL RAZAK

Pengarah (Komunikasi Korporat)

Perbadanan Putrajaya

Tarikh 23 September 2022

Keterangan lanjut berhubung siaran media ini, sila hubungi Pegawai Media PPj, Encik Mohamad Rohaizat bin Kasman di talian 017-3132590 dan Encik Mohd Fairus Bin Mohd Padzil di talian 019-3354346.